

Dornskridoù Milin : Kanaouennoù

58. (BARZ EN TI KORN E MENE BRE) (E lein ar bajenn
gentañ : Le Corre
Gilles ----- iez
treger)
- barz en ti korn e Mene Bre
tralalalalala
me meuz groet eur vestrez neve

- bonjour va dousik minorez
chetu me deut d'ober al lez

- d'ober al lez ha d'ho koulen
digant ho mam ho kwir berc'hen

- da betra timeimp hon daou
ha ni n'hon euz ket a vadaou

- ha ni n'hon euz na ti nag oz
na gwele da gousket en noz

- ha ni gousko war ar raden
eouit eun nosvez da dremen

- war hed eun daou pe dri de
ni hon defo kaouet eur gwele

- evel ar gwenan a rafomp
nefo^o netra pa gomansont ° (Gortoz a rafed: nefe,
n'o devez)
- dre forz poan kafsiont ho zi
ha ni ivez ma dous Mari

- an dud iacuank pa zimezont
fermi eur jardin a dleont

- planta tri sort louzou enghi
poan hag anken ha milkoni

- louzouen ar basiantet
ha ment alies d'ho gwelet

- an dud iacuank a zonz ganthe
e koe an acur a veg ar gwe

e koue an aour a veg ar gwe
a ve deliou melen a ve.

a ve deliou melen a ve
eouit rei plas d'ar re neve

gwaz na zonzj ket ar baotred diod
e ve red kaout kaouel ha pod iod

ve red kaout kaouel ha pod iod
ha bleud gwiniz en eur chipod

eur c'haouelik a goad rouan
hag a luskello he unan

eur c'haouelik vo great gant koad sab
a luskello gant beg an troad

a luskello gant beg an troad
ober krampoez ha ribotad

vvvvvv

(Sell. ouzh Revue Celtique, levrenn 2, p. 245-47,
Sonig, kanet gant Mac'hariñ Fulup, a ro un destenn
heñvel-kenañ ouzh hini Jili ar C'horr. Sell. ivez evit
lodenn gentañ ar son, an Uhel, Soniou Breiz-Izel, levr-
enn 2, p. 10 : Ann tiegez mad ; evit eil lodenn ar son,
an hevelep levrenn eus an Uhel, p. 20 : Plac'hig Coat-
Rouan, ha Bourgault-Ducoudray, Mélodies de Basse-Bre-
tagne, p. 19-20)